

هجری شمسی (۲) کانون ثانی سنه ۱۲۷۰ (نومرو ۲۱ - برنجی سنه) هجری قمری (۱۴) جمادی الاخر سنه ۱۳۰۹

مجله فیه

۱۳۰۹

امور اداره و تحریریه قائم هر خصوص ایچون
مدیر مسئول قصاب نامنه مراجعت اولنور.

په پنجمه شنبه کونلری نشر اولنور

سیاسیاتدن ماعدا هر شیدن بحث ایدر. درج
اولنمیان اوراق اعاده اولکنمز.

نسخه سی ۲۰ پاره یه در

شرائط اشترا

ترسنه لکی در سعادت ایچون - اداره خانه دن آلتوق اوزرم - یکریمی، ولایات
ایچون پوسته اجر تیله برار اوتوز غروشدور

اداره خانه سی :

باب عالی جاده سنده قصاب مطبعه و کتابخانه و مجلد خانه سیدر

مَوَازِينُ

اقشام زمانی

اوخ بولطافت!.. هر کولکه بر باشقه حس پیدا ایدر. خورشید مغرب آرا، صوگ شعاعیه شوهاق جبالی، کستانه آغاجلرینک دروه سنی، یشیل تپه اوستنده قوالنی چالارق، حسیات غریبانه سنی ترجمه ایدن چوبانی، چنزارک دامان زمردینی، اوین، اطرافنده کی قایاره بیاض کوپوکلر صاجان جوپساری، چیچکلرک هوای نسیمی تعطیر ایدن کوزل قوقولری آراسنده — روحی دوشوندر، جک قدر — ساکتانه اوچوشان سودالی کلپکارک قاندرلنی یالیزلار. آه اوقشام زمانی!

آوچی، تفشکی اومزینه طیامش، چانطه سنی آرقاسنه آتش اولدینی حالد، یشیل یاراقلرک اراسندن کورونور. چوبان، الک لطیف لوحه لرک مخلوقات معصومانه سنی تشکیل ایدن قوزولرخی، قوبونلرخی اوکته قاتمش، اوصاف، اوکوزل، قلینک — احتمالک برادره حسن ایچون اویانان — حسیات قواللک طاعلره، دره لره، بعضاده الک سودالی کولکلرک نازک، رقیق اعصابه عکس ایدن نغمات طرب فزاسته تودیع آتش اولدینی حالد سعادت تعقیب ایدر. اقشام زمانی برکوی عالمک سهای نورانی آلتند بولونمالی. انسانک زیر نظر اتند بریشیل زمین دالنه لیر، بک یاواش آقیور کی کورین و — آرا صیرا — سحرابه، اغاجلره، تپه لره، سولین بودره، بوییشل زمینی ایکی به آیریر. هوای نسیمی لطافت ایچنده پرورشاب اولان برکویلو قیزی، اوموزینک اوستنه برصدستیی آتش اولدینی حالد، دره نك غیر منتظم کوپرسندن کچر. بوزمان هرکوشده برحس، هر دالده بر سودا اویانیر.

بال — غالب — عشقه داتر برشرق اوقور. برکویلو بو وحشی نغمه به پیروک ایدر. وحشی بر قوشک آچی بر قهقهه سی فضای بی انتها ایچنده اوزانه اوزانه غیب اولور. نسیم خفیف یاراقلر ایله برابر روحی ده اوقشار. بویاراقلرک بر موسیقی ترانه سندن دهامنیدار، دهالطیف اولان ترنمی احتساسات بشریه بی تسخیر ایدرک، روحک ایچنه دوکولور.

بتون اشیانک خواب سکوته دالینی بر زمان ده اولور. بو ائشاده قاندرلرینک آلتند صاقلادینی سهام محبت ایله کنج کولکلری جریمه دار ایتمک فرصت آرایان، نازک اللری رعشه دار ایدن، لطیف دوداقلری — بیلم فصل بر آتش ایچنده — یاقان سودا، یاراقلرک آراسنده نفس ایدر. ینه او ائشاده، امواج آهنگساز، بیاض ساحلری کوپوکلر ایچنده براقان اچیق، صاف دیکزک کنارنده، برشاعر متفکر کرسی استغراق عدایتدیک قایک اوستنده اوتوره رق، باشی اللری ایچنه آلدقندن صوکره بو بحر خروشانک دامان سهایینی اوین افکاره باقار. ینه او ائشاده اقشام زمانک کدریلره قسوت بخش ارلان اوحال غریبانه سی آراسنده، اولو اغاجلرینک قویو، یشیل سایه لری روحی غریب برصدورنده رعشه دار ایدن قبرستانک سکونت مطلقه سی ایچنده، دیزچوکش، بوننی اکمش، مزاره قایغش اولدینی حالد، آچی کوز یاشلرله اغلایان برزوالی کورولور. ینه او ائشاده، برصدای معنوی — یردن کوکه عکس ایدن برنغمه کی — اوزوالی نك روحی ایچنده ضنین انداز اولور:

محمد جلال



مستقبله فن

عجبا مستقبله فن عالم انسانیت دهانه خدمت لری ایده چک؟ فن سایه سنده عصر انسانی حیرتده بر اقه حق خارقلر وغریبه لر کورلدی فقط بوکون عالم مدینتک وقون ومعرفتک واصل اولدینی درجه ترقی اوکنده عقل بشرک دهانه رجوق خارقلر اظهاریه اقداری تسلیم اولیور و ترقیت نیه قبولرینک هر طرفده آچلیدینی کورن فکر استر استمز بشرک دهانه لرح احداثه، ابداعنه مقتدر اولدینی دوشونبور ومستقبله فن عالم انسانیت دهانه خدمت لری ایده چک؟ دیور.

فک هر شعبه سنده کوندن کونه بیوک ترقیلر کور یلیور فقط عالم انسانیت مستقبله هانکی قندن الک زیاده مستفید اوله جق؟ بوکا بر حکم قطعی ویرلزه سیه بو استفاده نك و بو نعمتک عقلره الک زیاده حیرت ویردجک اعجبو به ل کوسترن قوه الکتریکه یوزندن اوله جفته احتمال ویریلیر.